

Pengurusan risiko jaminan inovasi kewangan Islam

Masyarakat Islam hari ini mula cenderung untuk mengetahui dan memahami mengenai sistem muamalat Islam, khususnya yang berkaitan dengan perbankan dan kewangan Islam. Bagaimanapun, tanpa pengetahuan dan pemahaman ilmu dan sumber rujukan yang sah akan memberi tanggapan yang salah terhadap sistem berkenaan khususnya mengenai istilah yang digunakan.

Integrasi kewangan Islam ke dalam sistem kewangan antarabangsa akan terus memperkuuh hubungan ekonomi dan kewangan global dan dengan itu membuka sempadan baru ke arah mencapai pertumbuhan global yang lebih seimbang.

Usaha perlu dilakukan bukan hanya untuk memupuk penyebaran ilmu dan pertukaran pengalaman dalam bidang pengurusan risiko, pengawalan dan penyeliaan, tetapi juga bagi memudahkan pemahaman mengenai masalah yang dihadapi seterusnya menyumbang ke arah usaha memajukan pembangunan industri kewangan Islam.

Keupayaan pengurusan risiko yang efektif penting dalam persekitaran kewangan global yang semakin mencabar dengan ketidakpastian memuncak dan kemungkinan kelemahan kewangan yang semakin meningkat.

Pengawalan efektif

Di samping itu, pengawalan dan penyeliaan yang efektif akan memastikan kekuahan dan kestabilan sistem itu. Dalam dekad sebelum ini, sistem kewangan Islam mengalami pertumbuhan dan transformasi dan memberangsangkan yang menyerlahkan potensinya sebagai satu bentuk pengantaraan kewangan yang kompetitif.

Kini, kewangan Islam adalah industri yang bernilai berbilion dolar dengan pelbagai produk dan perkhidmatan komprehensif yang memberi perkhidmatan kepada pelbagai golongan pengguna dan perusahaan perniagaan yang melangkau dunia Islam.

Dalam usaha membangunkan sistem kewangan Islam, tumpuan perlu diberikan terhadap prasyarat yang akan memudahkan pengembangan sistem secara efisien. Paling utama ialah pembangunan institusi, pasaran, pelbagai produk dan perkhidmatan kewangan dan wujudnya rangka kerja perundangan, pengawalan, penyeliaan, perakaunan dan syariah, serta keupayaan pihak berkuasa monetari untuk menguruskan dasar kewangan dalam konteks ini.

Dengan kemajuan ketara dicapai dalam membangunkan

komponen berkenaan, kini kita lihat industri perkhidmatan kewangan Islam memasuki fasa pembangunan yang baru. Berikutan liberalisasi yang meningkat, kemajuan dalam pembangunan arkitektur kewangan antarabangsa bagi kewangan Islam dan peningkatan inovasi yang menghasilkan produk dan perkhidmatan baru, dimensi antarabangsa kewangan Islam semakin penting. Institusi kewangan Islam kini merentas sempadan domestik.

Sekuriti kewangan berdasarkan Islam juga diterbitkan dalam pasaran kewangan antarabangsa yang menjana minat ketara daripada pelabur global. Arkitektur kewangan antarabangsa bagi pembangunan kewangan Islam juga diperkuuh dengan pembentukan badan penetapan piawaian antarabangsa untuk meruimus piawaian perakaunan dan kehematan. Perkembangan ini secara kumulatif menjadikan sistem kewangan Islam satu komponen yang semakin penting dalam sistem kewangan antarabangsa.

Strategi kita untuk mewujudkan rantai sistem kewangan keseluruhan bagi memastikan sistem kewangan Islam berfungsi dengan efisien. Inisiatif ini merangkumi usaha menubuhkan institusi kewangan yang diperlukan termasuk institusi perbankan Islam, syarikat takaful, institusi bukan perbankan dan membangunkan pasaran wang dan modal Islam.

Kemudahan infrastruktur undang-undang yang lengkap dalam sektor perbankan, pasaran modal, sekuriti dan sebagainya menjadi faktor penting kepada kepesatan perkembangan industri perbankan Islam di Malaysia. Sistem perbankan Islam mendapat tempat di Malaysia sejak 1983 lagi, apabila tertubuhnya Bank Islam Malaysia Berhad.

Industri perbankan Islam juga menjadi penyumbang besar kepada perkembangan keseluruhan ekonomi negara, iaitu hampir 25 peratus daripada keseluruhan Ke Luaran Dalam Negara Kasar. Peningkatan yang begitu membangunkan ini dapat direalisasikan melalui pendekatan menyeluruh dari aspek polisi perbankan dan juga pelaksanaan undang-undang yang efektif.

Pendekatan yang dilaksanakan secara bersepadu ini membolehkan pelaksanaan sistem perbankan Islam berjalan dengan lancar dan berkembang pesat bukan sahaja di arena tempatan tetapi juga di peringkat antarabangsa.



Penulis

ialah Dekan Pusat Bahasa Moden dan Sains Kemanusiaan, Universiti Malaysia Pahang



**DR ABDUL JALIL
BORHAM**

jalil@ump.edu.my